



სახელმწიფო სერვისების
განვითარების სააგენტო

სახელმწიფო სერვისების განვითარების სააგენტო

სამშენებლო სამუშაოების სახელმწიფო შესყიდვის სატენდერო დოკუმენტაცია (CPV-45210000)

ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. თბილისი

2016 წელი

ს ა რ ჩ ე ვ ი

1. ინსტრუქცია ტენდერში მონაწილეობის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1- სამუშაოთა ჩამონათვალი და ფასების ცხრილი.
5. დანართი №2- რეკვიზიტები.
6. დანართი №3 – პროექტი.
7. დანართი №4 - ზედნადები ხარჯებისა და გეგმიური მოგების განსაზღვრის წესი, 2014 წლის 14 იანვრის საქართველოს მთავრობის დადგენილება №55.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. განსხვავების არსებობის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრედენდენტს არა აქვს უფლება წარმოადგინოს ალტერნატიული წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

საკონტაქტო პირები:

ლაშა ბოკუჩავა, ტელ: 2 401010 /3115; 5 (77) 61 44 44; ელ. ფოსტა: L.bokuchava@sda.gov.ge

ნათია ხუჯაძე, ტელ: 2 401010 /3113 ; 5 (77) 61 55 50; ელ. ფოსტა: n.khujadze@sda.gov.ge

2. ტექნიკური დოკუმენტაცია

2.1 საკვალიფიკაციო მონაცემების დამადასტურებელი დოკუმენტები:

2.1.1 ამონაწერი მეწარმეთა და არასამეწარმეო (არაკომერციული) იურიდიული პირთა რეესტრიდან. არ უნდა მიმდინარეობდეს პრეტენდენტის მიმართ ლიკვიდაციის და გადახდისუნარობის საქმისწარმოების პროცესი, ასევე არ უნდა იყოს რეგისტრირებული ყადაღა/აკრძალვა).

შენიშვნა: საკვალიფიკაციო მოთხოვნა ვრცელდება სუბკონტრაქტორებზეც (მათი არსებობის შემთხვევაში).

2.2. ანგარიშსწორების პირობები:

2.2.1. სატენდერო წინადადებაში საერთო ფასი უნდა მოიცავდეს სამშენებლო სამუშაოების სრულყოფილად შესრულებასთან დაკავშირებულ ხარჯს, მათ შორის კანონმდებლობით გათვალისწინებულ ყველა გადასახადს.

2.2.2. ანგარიშსწორება მოხდება უნაღდო ანგარიშსწორებით ლარში.

2.2.3 წინასწარი ანგარიშსწორება უნდა განხორციელდეს შემდეგი ფორმით: **მიმწოდებელი ვალდებულია წარუდგინოს შემსყიდველს**, მთლიანი სახელშეკრულებო ღირებულების 30-დან 50%-მდე ინტერვალის (მოცემულ საპროცენტო ინტერვალში კონკრეტულ საპროცენტო განაკვეთს ირჩევს მიმწოდებელი) შესაბამისი, საავანსოდ გადასარიცხი თანხის იდენტური ოდენობის საბანკო დაწესებულების მიერ გაცემული საავანსო საბანკო გარანტია. აღნიშნული საბანკო გარანტია მიმწოდებლის მიერ წარმოდგენილი უნდა იქნას ხელშეკრულებაზე ხელის მოწერის დღიდან 15 (თხუთმეტი) სამუშაო დღეში, რომლის მოქმედების ვადა არანაკლებ 1 (ერთი) თვით უნდა აღმატებოდეს სამუშაოების დასრულების ვადას. საავანსო საბანკო გარანტიით გათვალისწინებულ თანხას შემსყიდველი გადაიხდის საავანსო საბანკო გარანტიის წარმოდგენიდან არაუგვიანეს 10 (ათი) სამუშაო დღეში. ფაქტობრივად მიწოდებული სამუშაოების ღირებულების 50% მიმართული იქნება გაცემული ავანსის დასაფარად, ხოლო დანარჩენი 50% – ანაზღაურდება 10 სამუშაო დღის ვადაში. თეთრ სიაში რეგისტრირებულ მიმწოდებლის მიერ საშეღავათო წინასწარი ანგარიშსწორების, საბანკო გარანტიით განხორციელებული ანგარიშსწორების შემთხვევაში გაცემული ავანსის დაფარვა განხორციელდება შემდეგი წესით: შესრულებული სამუშაოების ღირებულებიდან პროპორციული გადახდისას პირველად იფარება საბანკო გარანტიით გათვალისწინებული თანხის გარეშე შეღავათით გაცემული ავანსი მის სრულ ამოწურვამდე, ხოლო შემდგომში მოხდება საბანკო გარანტიით გათვალისწინებული თანხის დაფარვა. თეთრ სიაში დარეგისტრირებულ პრეტენდენტს უნახევრდება გარანტიის ოდენობა.

2.2.4 იმ შემთხვევაში, როცა ანგარიშსწორება მიმწოდებელთან განხორციელდება სამუშაოების შესაბამისი ეტაპების მიხედვით, შუალედური მიღება-ჩაბარების აქტის, ფორმა #2-ის (რომელიც წარმოდგენილი იქნება სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში აკრედიტებული ნებისმიერი პირის (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი) მიერ გაცემული დასკვნის სახით) წარდგენიდან არაუგვიანეს 20 (ოცი) სამუშაო დღისა.

2.3. შესყიდვის ობიექტის მიწოდების ვადები და ადგილი:

სამშენებლო სამუშაოების დასრულების ვადაა „შემსყიდველსა“ და „მიმწოდებელს“ შორის ხელშეკრულების გაფორმებიდან 4 (ოთხი) თვე, შესყიდვის ობიექტის მიწოდების ადგილია ჩოხატაურის მუნიციპალიტეტი, სოფელი კოხნარი (საკადასტრო კოდი: 28.15.24.051).

2.4 პრეტენდენტის მიერ სისტემაში ასატვირთი მონაცემები და ინფორმაცია:

2.4.1 იურიდიული და საბანკო რეკვიზიტები (დანართი #2);

2.4.2 შესასრულებელი სამუშაოების ხარჯთაღრიცხვა მოცემული ფორმის შესაბამისად (დანართი #1);

2.4.3 მინიმუმ ორ სამშენებლო ობიექტთან დაკავშირებით შემსყიდველის/დამკვეთი ორგანიზაციის მიერ გაცემული დადებითი რეკომენდაცია (რომელიც გაცემული უნდა იყოს 2016 წლის 1 იანვრის შემდგომ) მიმწოდებლის მიერ 2011-2016 წლების განმავლობაში ანალოგიური სამშენებლო სამუშაოების შესრულების შესახებ (ანალოგიურ სამუშაოდ ჩაითვლება შენობის საძირკველთან დაკავშირებული სამუშაოები, შენობის კონსტრუქციულ ნაწილთან დაკავშირებული სამუშაოები, შენობის არქიტექტურულ ნაწილთან დაკავშირებული სამუშაოები, შენობის შიგნით და გარე მოპირკეთების სამუშაოები, შენობის სახურავის მოწყობის სამუშაოები. აღნიშნული სამუშაოები ჩატარებული უნდა იყოს რეკომენდაციაში დასახელებულ თითოეულ სამშენებლო ობიექტთან დაკავშირებით. ასევე დასახელებული ანალოგიური სამუშაოების დაწყება და დასრულება უნდა იყოს მითითებულ წლებში). ამასთან, თითოეული სამშენებლო ობიექტის შესრულებული სამუშაოს ღირებულება უნდა იყოს არანაკლებ 200000,00 (ორასი ათასი) ლარისა. რეკომენდაციაში ასევე უნდა იყოს მითითებული, თუ რამდენად ხარისხიანად, სრულად და დროულად შეასრულა მიმწოდებელმა ხელშეკრულებით გათვალისწინებული ვალდებულება. თუ რეკომენდაციაში არ იქნება სრულად ასახული ამ პუნქტით გათვალისწინებული მოთხოვნილი ინფორმაცია, პრეტენდენტი უფლებამოსილია ყოველი მოთხოვნის დასაკმაყოფილებლად წარმოადგინოს შესაბამისი დამადასტურებელი დოკუმენტაცია.

2.4.4 2011-2016 წლებში შესრულებული სამშენებლო სამუშაოს შესახებ (სამუშაოების დაწყება და დასრულება უნდა იყოს მითითებულ წლებში) დამადასტურებელი დოკუმენტაციის (ხელშეკრულება და მიღება-ჩაბარების აქტი, ასევე ექსპერტიზის დასკვნა მისი არსებობის შემთხვევაში) ასლები (მათ შორის აუცილებლობას წარმოადგენს 2.4.3 პუნქტით გათვალისწინებული მოთხოვნის საფუძველზე რეკომენდაციაში მითითებული სამშენებლო ობიექტებთან დაკავშირებული დოკუმენტაციის ასლები), რომელთა ჯამური ღირებულება არ უნდა იყოს 1,000,000.00 (ერთი მილიონი) ლარზე ნაკლები.

2.4.5 პრეტენდენტის სპეციალისტთა (იმ ინჟინერ-ტექნიკური პერსონალის, რომელიც დაკავებული იქნებიან აღნიშნული ტენდერით გათვალისწინებული სამუშაოების შესრულებით) კვალიფიკაციის და გამოცდილების შესახებ ინფორმაცია CV-ს სახით.

2.4.6 სამშენებლო სამუშაოების გეგმა-გრაფიკი თვეების მიხედვით;

2.4.7 სახელშეკრულებო ღირებულების 30-დან 50%-მდე ინტერვალში კონკრეტული საავანსოდ გადასარიცხი თანხის შესაბამისი საპროცენტო განაკვეთი (*მოცემულ საპროცენტო ინტერვალში კონკრეტულ საპროცენტო განაკვეთს ირჩევს პრეტენდენტი*).

2.4.8 სატენდერო წინადადებასთან ერთად წარმოდგენილი იქნეს ინფორმაცია (იურიდიული რეკვიზიტები) სუბკონტრაქტორებზე (მათი არსებობის შემთხვევაში), რომელნიც სატენდერო წინადადების მიღების დამთავრების დღისთვის არ უნდა იყვნენ შეყვანილნი სახელმწიფო შესყიდვების სააგენტოს მიერ შავ სიაში.

2.5 ფასწარმოქმნის ადეკვატურობის დასაბუთება

„გამარტივებული ელექტრონული ტენდერისა და ელექტრონული ტენდერის ჩატარების წესი შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-11 მუხლის 2¹ პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 7 (შვიდი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა შესაძლებელია დასაბუთდეს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში აკრედიტებული ნებისმიერი პირის (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი) მიერ გაცემული დასკვნის საფუძველზე. წარმოდგენილი ინფორმაცია და დოკუმენტ(ებ)ი უნდა ადასტურდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.6 დაფინანსების წყარო:

ანგარიშსწორება განხორციელდება 2017 წლის საკუთარი შემოსავლებიდან.

2.7 ტენდერში გამარჯვების შემთხვევაში პრეტენდენტმა ხელშეკრულების გაფორმებამდე შემსყიდველს უნდა წარუდგინოს საბანკო დაწესებულების მერ გაცემული ხელშეკრულების შესრულების უზრუნველყოფის საბანკო გარანტია ხელშეკრულების ღირებულების 2%-ის ოდენობით. მისი მოქმედების ვადა მინიმუმ 1 (ერთი)

წლით უნდა აღემატებოდეს ხელშეკრულების მოქმედების ვადას. იმ შემთხვევაში თუ პრეტენდენტი, ტენდერში ელექტრონული ვაჭრობის შედეგად, საბოლოო ფასად შესყიდვის ობიექტის სავარაუდო ღირებულებაზე 20%-ზე მეტით დაბალ ფასს დააფიქსირებს, გამარჯვებულ მიმწოდებელს მოეთხოვება ხელშეკრულების შესრულების გარანტია 5%-ის ოდენობით. თეთრ სიაში დარეგისტრირებულ პრეტენდენტს უნახევრდება გარანტიის ოდენობა.

2.8 ტექნიკური დავალება

2.8.1 შესყიდვის ობიექტი:

„საზოგადოებრივი ცენტრის“ (სოფლის სახლის) შენობის სამშენებლო სამუშაოები (შემდგომში – სამუშაოები). სამშენებლო მოედანი მდებარეობს ჩოხატაურის მუნიციპალიტეტში, სოფელი კოხნარი (საკადასტრო კოდი: 28.15.24.051).

2.8.2 სამუშაოების ჩატარების ტექნიკური პირობები:

ა) სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. მიმწოდებელი ვალდებულია მოთხოვნის შემთხვევაში შემსყიდველს მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში).

ბ) სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო;

გ) მუშაოების პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმების მიხედვით;

დ) ფარული სამუშაოების შესრულების შემთხვევაში, შედგენილი უნდა იქნეს შესაბამისი ფარული სამუშაოების აქტები. ფარული სამუშაოები წარმოებული უნდა იქნეს შემსყიდველი ორგანიზაციის ტექნიკური ზედამხედველის უშუალო ზედამხედველობის ქვეშ. ტექნიკური ზედამხედველის შრომის ანაზღაურებას უზრუნველყოფს შემსყიდველი.

ე) მშენებლობის დასრულების შემდგომ გაათავისუფლოს სამშენებლო მოედანი და მიმდებარე ტერიტორია სამშენებლო ნარჩენებისაგან;

ვ) სატენდერო დოკუმენტაციის დანართში (სამუშაოთა ჩამონათვალში) ჩამოთვლილ საქონელზე, სადაც მითითებულია კონკრეტული სასაქონლო ნიშანი, მოდელი, წარმოშობის წყარო ან მწარმოებელი იგლუხმება „მსგავსი“ ან ექვივალენტური“;

ზ) სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში აკრედიტებული ნებისმიერი პირის მომსახურებას უზრუნველყოფს მიმწოდებელი (საკუთრათი ხარჯებით).

თ) სამუშაოების წარმოების პროცესში მოხმარებული კომუნალური მომსახურების გადასახადებს ანაზღაურებს მიმწოდებელი.

ი) განხორციელებულ სამუშაოზე უნდა გავრცელდეს შემდეგი საგარანტიო ვადები:

1) სამშენებლო სამუშაოებზე (გარდა სანტექნიკური, ელექტრო-ტექნიკური და გათბობა-გაგრილების ნაწილებისა) – მინიმუმ 2 წელი;

2) სანტექნიკური ნაწილი, ელექტრო-ტექნიკური ნაწილი, გათბობა-გაგრილების ნაწილი – მინიმუმ 1 წელი.

კ) თეთრ სიაში რეგისტრირებული მიმწოდებლის შემთხვევაში ვრცელდება საქართველოს კანონმდებლობით გათვალისწინებული შეღავათები.

2.8.3 ვიდეოსამეთვალყურეო სისტემის შემოთავაზებისას პრეტენდენტი ვალდებულია გაითვალისწინოს შემდეგი პარამეტრები:

1. ვიდეოდაკვირვების სისტემის მონტაჟი, კონფიგურაცია;
2. ვიდეო კამარებთან გაყვანილობის უზრუნველყოფა, მინიმუმ UTP 5e კატეგორიის მაღალი ხარისხის კაბელის საშუალებით.
3. კაბელი გაყვანილი უნდა იყოს კედლების შიგნით.

გარე გამოყენების კამერების ტექნიკური პარამეტრები:

1. კამერები უნდა იყოს ციფრული და გააჩნდეს IP პროტოკოლის მხარდაჭერა;
2. მატრიცა 1/3" CMOS პროგრესიული სკანირებით. მინიმალური მრძნობელობა 0.07 lux @F1.2, AGC ON ელექტრონული ჩამკეტის სიჩქარე 1/25წ -1/100,000წ. ვარიფოკალური ლინზა 2,8-12 მმ უნდა უზრუნველყოს ხედვის კუთხე 60°/60° (ჰორიზონტალურად/ვერტიკალურად). უნდა გააჩნდეს ავტომატურად მართვადი ინფრაწითელი დიაპაზონის ფილტრი. ციფრული ხმაურის ჩახშობა 3D DNR.;
3. ვიდეოკამერები უზრუნველყოფილი უნდა იყვნენ ღამისხედვის საშუალებით, გარე გამოყენების 50 ვატიანი LED განათებით, დაბნელების ავტომატური ჩართვით და გათენების გამორთვით. გაშლის კუთხე, ჰორიზონტალური/ვერტიკალური - 60°/60°;
4. ბიტ რეიტის რეგულირების დიაპაზონი 32 Kbps ~ 16 Mbps;
5. გერმეტიული (Waterproof) კორპუსი;
6. კამერას უნდა ჰქონდეს PoE კვების მხარდაჭერა;
7. კამერაში უნდა იყოს ჩაშენებული WebServer, ვიდეო გამოსახულების ჩვენებისათვის. სისტემა თავსებადი უნდა იყოს MS IE 6.0 და ზედა ვერსიების ბრაუზერებთან. ბრაუზერიდან შესაძლებელი უნდა იყოს ფერების, ნათების და კონტრასტის რეგულირება;
8. კამერას უნდა ჰქონდეს სერვერზე (NVR – network video recorder) რეალურ დროში ვიდეო გამოსახულების ჩაწერის საშუალება;

ვიდეო კამერის დეტალური სპეციფიკაციის მინიმალური მოთხოვნები წარმოდგენილია ქვემოთ მოცემულ ცხრილში:

ვიდეოკომპრესია	H.264/MJPEG
ფრეიმი / რეზოლუცია	20 fps 2048 x 1536
განგაშები	მოძრაობის დეტექცია, "ტამპერ" დეტექცია;
უსაფრთხოება	მომხმარებლის მართვის სისტემა.
ქსელური ინტერფეისი	RJ-45 10-100 Base T
ქსელური პროტოკოლები	TCP/ IP/HTTP/ HTTPS,FTP,DHCP,DNS
დაცვის კლასი	IP 66
ოპერირების გარემო	-20°C~ 50°C Humidity 10% - 85%PH

შიდა გამოყენების კამერების ტექნიკური პარამეტრები:

1. კამერები უნდა იყოს ციფრული და გააჩნდეს IP პროტოკოლის მხარდაჭერა;
2. მატრიცა 1/3" CMOS პროგრესიული სკანირებით. მინიმალური მრძნობელობა 0.07 lux @F1.2, AGC ON ელექტრონული ჩამკეტის სიჩქარე 1/25წ -1/100,000წ. ფიქსირებული ლინზა, რომელიც უზრუნველყოფს ხედვის კუთხეს 90°/90° (ჰორიზონტალურად/ვერტიკალურად). უნდა გააჩნდეს ავტომატურად მართვადი ინფრაწითელი დიაპაზონის ფილტრი. ციფრული ხმაურის ჩახშობა 3D DNR;
3. ბიტ რეიტის რეგულირების დიაპაზონი 32 Kbps ~ 16 Mbps;
4. უნდა გააჩნდეს ჩაშენებული ინფრაწითელი ნათების პროექტორი;
5. კამერას უნდა ჰქონდეს PoE კვების მხარდაჭერა;
6. კამერაში უნდა იყოს ჩაშენებული WebServer, ვიდეო გამოსახულების ჩვენებისათვის. სისტემა თავსებადი უნდა იყოს MS IE 6.0 და ზედა ვერსიების ბრაუზერებთან;
7. კამერაში უნდა იყოს ჩაშენებული WebServer, ვიდეო გამოსახულების ჩვენებისათვის. სისტემა თავსებადი უნდა იყოს MS IE 6.0 და ზედა ვერსიების ბრაუზერებთან. ბრაუზერიდან შესაძლებელი უნდა იყოს ფერების, ნათების და კონტრასტის რეგულირება;

ვიდეო კამერის დეტალური სპეციფიკაციის მინიმალური მოთხოვნები წარმოდგენილია ქვემოთ მოცემულ ცხრილში:

ვიდეოკომპრესია	H.264/MJPEG
ფრეიმი / რეზოლუცია	20 fps 2048 x 1536
განგაშები	მოდრაობის დეტექცია, "ტამპერ" დეტექცია;
უსაფრთხოება	მომხმარებლის მართვის სისტემა.
ქსელური ინტერფეისი	RJ-45 10-100 Base T
ქსელური პროტოკოლები	TCP/ IP/HTTP/ HTTPS,FTP,DHCP,DNS
დაცვის კლასი	IP 66
ოპერირების გარემო	-20°C~ 50°C Humidity 10% - 85%PH

NVR –ს ტექნიკური პარამეტრები

- NVR-ს დისკური მოცულობა უნდა უზრუნველყოფდეს 60 დღის ვიდეო არქივის წარმოებას, 7-8 კადრი წამში ჩაწერის შემთხვევაში;
- NVR-ს სისტემა სრულად თავსებადი უნდა იყოს მოწოდებულ ვიდეო კამერებთან;
- უნდა შეეძლოს სხვადასხვა მწარმოებლების კამერების მიერთების საშუალება;
- ერთ NVR-ს უნდა ჰქონდეს ერთდროულად მინიმუმ 16 IP კამერის ჩაწერის და ვიდეო გამოსახულების დამუშავების საშუალება;
- ერთ ფანჯარაში მინიმუმ 9 ვიდეო გამოსახულების ნახვის და მართვის საშუალება;
- შერჩეულ კამერაზე ვიდეო გამოსახულების ნახვის, ჩანაწერის ძიების დროს სისტემამ არ უნდა შეწყვიტოს შერჩეული ვიდეო გამოსახულების ჩაწერა;
- ვიდეო არქივში ძიების საშუალება;

- ვიდეო არქივიდან მონაცემების ექსპორტის საშუალება;

2.8.4. ელექტროგაყვანილობისა და გენერატორის შემოთავაზებისას პრეტენდენტი ვალდებულია გაითვალისწინოს შემდეგი პარამეტრები:

ელექტროგაყვანილობა გაკეთებული უნდა იყოს 2 სხვადასხვა კონტურით: ქალაქის და რეზერვირებული. ეს ორი წრედი უნდა იყოს ერთმანეთისგან დამოუკიდებელი და შესაბამის როზეტებს უნდა გააჩნდეს განმასხვავებელი ნიშანი (ფერით ან მარკირებით). რეზერვირებული კვების როზეტებში ელ.კვება უნდა მიეწოდებოდეს საერთო ქსელიდან და სარეზერვო კვების ელექტროგენერატორიდანაც, ხოლო მხოლოდ ქალაქის როზეტებში - მხოლოდ საერთო ქსელიდან.

ელექტროგენერატორი უნდა მუშაობდეს დიზელის საწვავზე და უზრუნველყოფდეს 11,6კვა-დან - 14 კვა-ს ჩათვლით სიმძლავრეს. გენერატორს უნდა მოყვებოდეს ქარხნული ავტომატური ჩართვა-გამორთვის ფუნქცია და ხმაურის დახშობის სისტემა (ე.წ. Silent cover). ავტომატური ჩართვა-გამორთვის ფუნქცია ნიშნავს, რომ საერთო ქსელის ელექტრომომარაგების გათიშვისას უნდა მოხდეს დიზელ-გენერატორის ავტომატური დაქოქვა (ადამიანის ჩარევის გარეშე), ხოლო საერთო ქსელიდან ელექტრომომარაგების აღდგენისას - ასევე ავტომატური გათიშვა. დიზელ-გენერატორი აღჭურვილი უნდა იყოს ზამთრის პირობებში, დაბალი ტემპერატურისას, საიმედო სტარტის ფუნქციით (შემფრქვევების გათბობა).

დიზელgeneratorი ავტომატური ჩართვა გამორთვის ფუნქციით, სიმძლავრით დიზელ გენერატორის სიმძლავრე - 11,6კვა-დან - 14 კვა-ს ჩათვლით ერთფაზიანი

ხმის ჩახშობის სისტემა (silent cover)

ავტომატური ჩართვა/გამორთვის კონტროლერით

გამათბობელი ყინვის დროს საიმედო დაქოქვის უზრუნველსაყოფად

შენიშვნა: საგარანტიო პერიოდის ვადის ათვლა დაიწყება საბოლოო მიღება-ჩაბარების აქტის გაფორმების თარიღიდან.

ტენდერში მონაწილეობით პრეტენდენტი ადასტურებს, რომ ეთანხმება ტექნიკური დავალებით გათვალისწინებულ პირობებს.

ხელშეკრულება

სახელმწიფო შესყიდვების შესახებ

ქ. თბილისი

-----, 2016 წ.

ერთის მხრივ, სსიპ სახელმწიფო სერვისების განვითარების სააგენტო (მდებარე ქ. თბილისი, წერეთლის ქ. №67ა) წარმოდგენილი ----- სახით, შემდგომში წოდებული „შემსყიდველი“ და მეორეს მხრივ, ----- (მდებარე ქ. -----) წარმოდგენილი ----- სახით, შემდგომში წოდებული, როგორც „მიმწოდებელი“, ყველანი ერთად წოდებული როგორც „მხარეები“, ვმოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე (SPA-----), ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, ან ორგანიზაცია, რომელიც ახორციელებს სამუშაოს ამ ხელშეკრულების ფარგლებში.
- 1.6. „სამუშაო“ – ხელშეკრულების მე-2 მუხლით განსაზღვრული ხელშეკრულების საგანი;
- 1.7. „ექსპერტი“ – სსიპ ლევან სამხარაულის სახელობის სასამართლო ექსპერტიზის ეროვნული ბურო ან შესაბამის სფეროში აკრედიტებული ნებისმიერი პირი (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი);
- 1.8. „ეტაპი“ – წინამდებარე ხელშეკრულების გეგმა-გრაფიკით განსაზღვრული თვე (კალენდარული თვე);
- 1.9. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

2. ხელშეკრულების საგანი

2.1. „საზოგადოებრივი ცენტრის“ (სოფლის სახლის) შენობის სამშენებლო სამუშაოები (შემდგომში – სამუშაოები). სამშენებლო მოედანი მდებარეობს ჩოხატაურის მუნიციპალიტეტის სოფელი კოხნარში (საკადასტრო კოდი: 28.15.24.051) (CPV- 45210000);

2.2. დეტალური სამუშაოთა ჩამონათვალი და ხარჯთაღრიცხვა მოცემულია ხელშეკრულების დანართი #1-ში და წარმოადგენს მის განუყოფელ ნაწილს.

3. ხელშეკრულების ღირებულება

3.1. ხელშეკრულების სავარაუდო ღირებულება შეადგენს არაუმეტეს -----(-----) ლარს, ხელშეკრულების დანართი #1-ის შესაბამისად.

3.2. ხელშეკრულების ღირებულება შეიძლება შემცირდეს ფაქტიურად გაწეული სამუშაოების მიხედვით, ექსპერტიზის დასკვნის შესაბამისად;

3.3. ხელშეკრულების ღირებულება მოიცავს, როგორც შესასრულებელი სამუშაოს ღირებულებას, ისე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.4. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, ხელშეკრულების ჯამური ღირებულების გაზრდა დასაშვებია მხოლოდ 10%-ის ოდენობით.

3.6. შემსყიდველის მიერ დაფინანსების წყარო: 2017 წლის საკუთარი შემოსავლები.

4. მიმწოდებლის ვალდებულება და უფლებამოსილება

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული სამუშაოების შესრულება ხელშეკრულების ხელმოწერის დღიდან და დაასრულოს არაუგვიანეს 4 (ოთხი) თვის ვადაში, სამშენებლო ნორმებისა და წესების დაცვით.

ბ) უზრუნველყოს წინამდებარე ხელშეკრულებით გათვალისწინებული სამუშაოების შესრულება შენობის პროექტისა და დანართი №1-ის შესაბამისად, რომელიც წარმოადგენს ამ ხელშეკრულების განუყოფელ ნაწილს;

გ) მშენებლობის მიმდინარეობის პროცესში წარმოშობილი აუცილებელი საჭიროების შემთხვევაში შენობის პროექტში შესატანი ნებისმიერი ცვლილება წინასწარ (ასეთი ცვლილებით გამოწვეული სამუშაოების დაწყებამდე) უნდა შეთანხმდეს შემსყიდველთან.

დ) განიხილოს შემსყიდველის საფუძვლიანი პრეტენზიები და მიაწოდოს მოტივირებული პასუხი ყველა საკითხზე;

ე) მოთხოვნის შემთხვევაში წარმოადგინოს და შემსყიდველს შეუთანხმოს სამუშაოების დროს გამოსაყენებელი მასალების ან/და მოწყობილობის ნიმუშები და შესაბამისი ხარისხის სერთიფიკატები;

ვ) სამუშაოების მიმდინარეობისას მოსალოდნელი ნეგატიური შედეგების თავიდან აცილების მიზნით მიმართოს ინსპექტირების ჯგუფს, რათა ერთობლივად შეიმუშაონ შესაბამისი მოქმედების ინსტრუქცია;

ზ) ხელშეკრულებასთან დაკავშირებული ნებისმიერი მიმოწერა აწარმოოს წერილობით „შემსყიდველთან“;

თ) ხელი შეუწყოს შემსყიდველს ინსპექტირების განხორციელებისას;

ი) წინასწარი ანგარიშსწორების შედეგად მიღებული თანხები (ასეთის არსებობისას), გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად;

კ) ფარული სამუშაოების შესრულების შემთხვევაში, შედგენილი იქნას შესაბამისი ფარული სამუშაოების აქტები შემსყიდველი ორგანიზაციის ტექნიკური ზედამხედველის უშუალო ზედამხედველობის ქვეშ.

ლ) განახორციელოს ამ ხელშეკრულებით მასზე დაკისრებული სხვა ვალდებულებები.

მ) უზრუნველყოს ეტაპობრივად შესრულებული სამუშაოების ფორმა #2-ის წარმოდგენა სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში აკრედიტებული ნებისმიერი პირის (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი) შესაბამისი დასკვნის სახით (ექსპერტიზის მომსახურების ხარჯს უზრუნველყოფს მიმწოდებელი).

ნ) აანაზღაუროს სამუშაოების წარმოების პროცესში მოხმარებული კომუნალური მომსახურების გადასახადები.

ო) მშენებლობის დასრულების შემდგომ გაათავისუფლოს სამშენებლო მოედანი და მიმდებარე ტერიტორია სამშენებლო ნარჩენებისაგან;

პ) წარმოადგინოს ყოველკვირეული ანგარიში შესრულებულ სამუშაოთა შესახებ;

ჟ) აწარმოოს ყოველდღიური სამუშაოების აღრიცხვის ყოველდღიური ჟურნალი.

რ) წარუდგინოს შემსყიდველს წინასწარი ანგარიშსწორების საბანკო დაწესებულების მიერ გაცემული გარანტია არაუმეტეს ხელშეკრულების საერთო ღირებულების ---% ოდენობით, ამ ხელშეკრულებაზე ხელის მოწერის დღიდან 15 (თხუთმეტი) სამუშაო დღეში, რომლის მოქმედების ვადაც არანაკლებ 1 (ერთი) თვით უნდა აღმატებოდეს სამშენებლო სამუშაოების დასრულების ვადას.

5. შემსყიდველის ვალდებულება და უფლებამოსილება

5.1 შემსყიდველი ვალდებულია:

- ა) უზრუნველყოს შესრულებული სამუშაოს ინსპექტირება;
- ბ) უზრუნველყოს მიმწოდებლისათვის შესრულებული სამუშაოს ღირებულების ანაზღაურება ამ ხელშეკრულებით გათვალისწინებული პირობების და ვადების შესაბამისად;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5.2 შემსყიდველი უფლებამოსილია:

მიმწოდებლის მიერ ხელშეკრულების პირობების შეუსრულებლობის გამო დაკისრებული პირგასამტეხლოს გადახდევინება უზრუნველყოს საავანსო საბანკო გარანტიის ამოქმედებით ან/და ხელშეკრულების შესრულების უზრუნველყოფის გარანტიის ამოქმედებით ან/და მიმწოდებლისგან თანხის გადახდევინებით.

6. განხორციელებული სამუშაოების ხარისხი და გარანტია:

6.1 შესრულებულ სამუშაოთა ხარისხი სრულად უნდა პასუხობდეს ამ სფეროში არსებულ მოთხოვნებს და სტანდარტებს.

6.2. შესრულებული სამუშაოს საგარანტიო ვადა შეადგენს: 1) სამშენებლო სამუშაოებზე (გარდა სანტექნიკური, ელექტრო-ტექნიკური და გათბობა-გაგრილების ნაწილებისა) - 2 (ორი) წელი; 2) სანტექნიკური ნაწილი, ელექტრო-ტექნიკური ნაწილი, გათბობა-გაგრილების ნაწილზე - 1 წელი. საგარანტიო ვადის ათვლა იწყება საბოლოო მიღება-ჩაბარების აქტის გაფორმებიდან.

6.3. ხელშეკრულების 6.2 პუნქტით განსაზღვრული საგარანტიო ვადის განმავლობაში, მიმწოდებლის მიერ შესრულებულ სამუშაოს (ხელშეკრულების დანართი #1-ით გათვალისწინებული სამუშაოები) ხარვეზის აღმოჩენის ან/და დაზიანების შემთხვევაში, მიმწოდებელი ვალდებულია საკუთარი ხარჯით გამოასწოროს ხარვეზი ან/და შეცვალოს იგი. აღნიშნულის შესახებ წერილობითი ფორმით ეცნობება მიმწოდებელს. შემსყიდველი მიმწოდებელს განუსაზღვრავს გონივრულ ვადას (არაუმეტეს 20 დღე) დეფექტების აღმოსაფხვრელად.

7. ხელშეკრულების შესრულების კონტროლი

7.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის სამუშაოების ხარისხის პერიოდული კონტროლი.

7.2. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით შესრულებული სამუშაო, შედგება შესაბამისი დეფექტური აქტი და მიმწოდებელს განესაზღვრება გონივრული ვადა (არაუმეტეს 20 დღე) დეფექტების აღმოსაფხვრელად. მიმწოდებელი ვალდებულია გამოასწოროს წუნი თუ წუნი გამოწვეულია მიმწოდებლის ბრალით ან თუ მიმწოდებელი ვერ შეძლებს წუნის გამოსწორებას შეთანხმებულ ვადაში და შემსყიდველს გადახდის აქვს ამ წუნდებული სამუშაოს ღირებულება, მიმწოდებელი ვალდებულია მოახდინოს წუნდებული სამუშაოს ღირებულების შემსყიდველისთვის შეთანხმებული ვადის დასრულებიდან არაუმეტეს 5 დღის ვადაში დაბრუნება.

7.3 შემსყიდველის მხრიდან ხელშეკრულების მიღება-ჩაბარების აქტზე ხელმოწერა და შესყიდვის ობიექტის შესაბამისობაზე პასუხისმგებელ პირს წარმოადგენს, სააგენტოს -----, ხოლო ხელშეკრულების პირობების შესრულების კონტროლს განახორციელებს სააგენტოს -----.

7.4. იმ შემთხვევაში თუ შემსყიდველი ორგანიზაცია ინსპექტირების ჩატარების მიზნით გამოიყენებს საკუთარ ან მოწვეულ პერსონალს, მის შრომის ანაზღაურება უზრუნველყოფს შემსყიდველი ორგანიზაცია.

8. სამუშაოს მიღება-ჩაბარების წესი

8.1. შესრულებული სამუშაოს მიღება შესაძლებელია განხორციელდეს ეტაპობრივად მიღება-ჩაბარების აქტის წერილობითი გაფორმებით, მხარეთა უფლებამოსილი წარმომადგენლის/წარმომადგენლების ხელის მოწერით და შესრულებული სამუშაოების ფორმა №-2-ის საფუძველზე (რომელიც წარმოდგენილი იქნება სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში აკრედიტებული ნებისმიერი პირის (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი) მიერ გაცემული დასკვნის სახით).

9. ანგარიშსწორება

9.1. ანგარიშსწორების ვალუტა – ლარი.

9.2. ანგარიშსწორების ფორმა – უნაღდო, შემსყიდველი ახორციელებს ანგარიშსწორებას მიმწოდებელთან წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.3. წინასწარი ანგარიშსწორება განხორციელდება შემდეგი ფორმით: შემსყიდველის მიერ მოხდება ხელშეკრულების ღირებულების ---% წინასწარ გადარიცხვა მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის საავანსო გარანტიის საფუძველზე. საავანსო გარანტიით გათვალისწინებულ თანხას შემსყიდველი გადაიხდის საავანსო საბანკო გარანტიის წარმოდგენიდან არაუგვიანეს 10 (ათი) სამუშაო დღეში. ფაქტობრივად მიწოდებული სამუშაოების ღირებულების 50% მიმართული იქნება გაცემული ავანსის დასაფარად, ხოლო დანარჩენი 50% – ანაზღაურდება შემსყიდველის მიერ. თეთრ სიაში რეგისტრირებულ მიმწოდებლის მიერ საშელავათო წინასწარი ანგარიშსწორების, საბანკო გარანტიით განხორციელებული ანგარიშსწორების შემთხვევაში გაცემული ავანსის დაფარვა განხორციელდება შემდეგი წესით: შესრულებული სამუშაოების ღირებულებიდან პროპორციული გადახდისას პირველად იფარება საბანკო გარანტიით გათვალისწინებული თანხის გარეშე შეღავათით გაცემული ავანსი მის სრულ ამოწურვამდე, ხოლო შემდგომში მოხდება საბანკო გარანტიით გათვალისწინებული თანხის დაფარვა.

9.4 იმ შემთხვევაში, თუ ანგარიშსწორება მიმწოდებელთან განხორციელდება სამუშაოების შესაბამისი ეტაპების მიხედვით, შუალედური მიღება-ჩაბარების აქტის, ფორმა #2 (რომელიც წარმოდგენილი იქნება სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამის სფეროში სხვა აკრედიტებული პირის (წამოდგენილი უნდა იქნას უფლებამოსილების შესაბამისი დამადასტურებელი დოკუმენტი) მიერ გაცემული დასკვნის სახით), ამ ფორმაში გათვალისწინებული მასალებისა და მოწყობილობების საქართველოს კანონმდებლობით გათვალისწინებული შესაბამისი საგადასახადო დოკუმენტაციის საფუძველზე, მათი წარდგენიდან არაუგვიანეს 20 (ოცი) სამუშაო დღისა.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზის შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება, აღნიშნულ გარემოებებთან დაკავშირებით არაუმეტეს 5 (ხუთი) სამუშაო დღის ვადაში.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-15 მუხლის შესაბამისად.

11. ხელშეკრულების პირობების შეუსრულებლობა

11.1. ხელშეკრულებით 4.1 „ა“ პუნქტით გათვალისწინებული სამუშაოების დასრულების ვადის გადაცდენის შემთხვევაში (მათ შორის თითოეული ეტაპის დასრულების ვადის გადაცდენის შემთხვევაში), ყოველ ვადაგადაცილებულ დღეზე, მიმწოდებელს ეკისრება პირგასამტეხლო შეუსრულებელი ვალდებულების ღირებულების 0.1%-ის ოდენობით, მაგრამ პირგასამტეხლოს საერთო ოდენობა არ შეიძლება

აღმატებოდეს ხელშეკრულების ღირებულების 10%-ს, ხოლო მისი გადაჭარბების შემთხვევაში ამოქმედდება ხელშეკრულების 14.1 პუნქტით გათვალისწინებული პირობები.

11.2. ხელშეკრულებით გათვალისწინებული ანგარიშსწორების ვადების დარღვევის შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე ასანაზღაურებელი თანხის 0.1%-ის ოდენობით.

11.3. ხელშეკრულების 7.2 პუნქტით გათვალისწინებული ვადების და 6.3 პუნქტით გათვალისწინებული გონივრული ვადის დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების საერთო ღირებულების 0,1%-ის ოდენობით.

11.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11.5. პირგასამტეხლოს გამოთვლისას არ გამოიანგარიშება ხელშეკრულების 7.2 პუნქტებით გათვალისწინებული ხარვეზის აღმოსაფხვრელად მიცემული ვადა და 8.1 პუნქტით გათვალისწინებული ექსპერტის მიერ გახარჯული დრო.

12. საავანსო საბანკო გარანტია

12.1 საბანკო დაწესებულების მიერ გაცემული საავანსო საბანკო გარანტია წარმოდგენილი უნდა იქნას ხელშეკრულებაზე ხელის მოწერის დღიდან არაუგვიანეს 15 სამუშაო დღეში, რომლის მოქმედების ვადა არანაკლებ 1 (ერთი) თვით უნდა აღმატებოდეს სამშენებლო სამუშაოების დასრულების ვადას.

12.2 მიმწოდებლის მიერ წარმოდგენილი საავანსო გარანტია შემსყიდველის მიერ შეიძლება გამოყენებულ იქნეს იმ შემთხვევაში, თუ მიმწოდებელი ვერ უზრუნველყოფს საავანსო საბანკო გარანტიის თანხის ღირებულების სამუშაოს შესრულებას საბანკო გარანტიის მოქმედების ვადის გასვლამდე.

13. ხელშეკრულების შესრულების გარანტია

13.1 ხელშეკრულების შესრულების უზრუნველყოფის მიზნით წარმოდგენილი ბანკის მიერ გაცემული საბანკო გარანტია მიმწოდებელს არ დაუბრუნდება მის მიერ ხელშეკრულების პირობების შეუსრულებლობის ან არასრული შესრულების შემთხვევაში.

13.2 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების შესრულების უზრუნველყოფის --%-იანი საბანკო გარანტიის მოქმედების ვადა მინიმუმ ერთი წლით უნდა აღმატებოდეს ხელშეკრულების მოქმედების ვადას, რომელიც გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

13.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს გარანტიის დაუყოვნებლივ დაბრუნება.

14. ხელშეკრულების შეწყვეტა

14.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში და მოითხოვოს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოს კანონმდებლობის შესაბამისად;.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს რომელიმე მხარეს დანარჩენი ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14.4 შემსყიდველი უფლებამოსილია ცალმხრივად მოშალოს ხელშეკრულება თუ:

ა) მიმწოდებელი გაკოტრდა;

ბ) მიმწოდებლის მიერ სამშენებლო გეგმა-გრაფიკით გათვალისწინებული ნებისმიერი ეტაპის ვადის 20 დღეზე მეტი დაგვიანების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში;

დ) წინამდებარე ხელშეკრულების მე-12 მუხლით გათვალისწინებული საბანკო გარანტიის ამვე მუხლით დადგენილ ვადაში წარმოდგენილობის შემთხვევაში.

15. ხელშეკრულებაში ცვლილებების შეტანა.

15.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

15.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

16. ფასები

16.1 ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

ა) საგადასახადო რეჟიმის შეცვლა;

ბ) ინფლაციის მაღალი დონე;

გ) საქონლის საბაზრო ღირებულების არსებითი ცვლილება.

ეს მუხლი მოქმედებს იმ შემთხვევაში, თუ კონკრეტული შესასრულებელი სამუშაოს ფასის ცვლილება აჭარბებს 5%-ს და ცვლილების ჯამური ღირებულება არ აღემატება ხელშეკრულების ღირებულების 10%-ს.

17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის ხელშეკრულების ხელმოწერიდან და მოქმედებს 2017 წლის ----- ჩათვლით, გარდა მე-6 მუხლის, 11.3 და 7.2 პუნქტებისა.

17.2 წინამდებარე ხელშეკრულების მე-6 მუხლი, 11.3 და 7.2 პუნქტები მოქმედებს 6.2 პუნქტით გათვალისწინებული ვადით.

18. ფორს-მაჟორი

18.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

18.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს:

ა) ომით, დაპირისპირებით (იმის მიუხედავად, ომი იქნება გაცხადებული, თუ გამოუცხადებელი), ინტერვენციით, უცხოელ მტერთა ქმედებით;

ბ) აჯანყებით, ტერორიზმით, რევოლუციით, სამხედრო ან უზურპირებული ძალაუფლებით, ან სამოქალაქო ომით;

გ) სამხედრო აღჭურვილობით, ასაფეთქებელი მასალებით, იონური რადიაციით ან რადიაციული დაბინძურებით, გარდა იმ შემთხვევისა, როდესაც თავად მიმწოდებელი იყენებს ასეთ აღჭურვილობას, ასაფეთქებელ მასალებს, რადიაციას ან რადიო-აქტიურობას;

დ) ბუნებრივი კატასტროფებით;

ე) ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

18.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

19. სხვა პირობები

19.1. ხელშეკრულება შედგენილია ორ ქართულ ენოვან ეგზემპლარად.

19.2. ერთი ეგზემპლარი გადაეცემა მიმწოდებელსა, ხოლო ერთი – შემსყიდველს.

19.3. მხარეთა შორის წამოჭრილი ნებისმიერი დავა წყდება მხარეთა ურთიერთშეთანხმებით, შეთანხმდებლობის შემთხვევაში კი - საქართველოს შესაბამისი სასამართლოს მეშვეობით საქართველოს მოქმედი კანონმდებლობით დადგენილი წესით.

20. ხელშეკრულების დანართები:

20.1. ხარჯთაღრიცხვა

20.2. სამშენებლო სამუშაოების გეგმა-გრაფიკი

20.3. პროექტი დანართი.

21. მხარეთა რეკვიზიტები:

შემსყიდველი:

მიმწოდებელი:

5.

დანართი №2

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

პრეტენდენტის ხელმოწერა _____